

È da saper, in Colegio veneno do vesentini a offerir di prestar, *videlicet* domino Nicolò e Federigo da Porto, ducati 400.

Domino Anzolo di Caldonio ducati 200, e altri non vene.

*Di campo, essendo Gran Consejo suso, vene letere di sier Andrea Griti procurator, provedador zeneral, date, ut supra, a dì 3, hore 24.* La conclusion, si mandasse danari, et esso provedador Griti era indisposto etc.; *etiam* il provedador Gradenigo si risentiva alquanto.

Fo scritto, per Colegio, che sier Justinian Morexini, savio a terra ferma, expedito l'habi i fanti a Vicenza, debbi andar fino in campo, aspetando ordine nostro.

*Da Milan, dil secretario Rosso, di primo.* Coloqui con missier Zuan Giacomo. Ha nove di sguizari, dil capitano di lago di Como, di 28, che a la dieta di Zurig volèno i capitanei far con il Re l'acordo a la dieta si farà questa Santa †, e darli copie di capitoli fati col re Lois, quali li mostrerano a li so' comuni, poi a l'altra dieta se concluderà; sichè li do terzi sarano col Re *omnino*. *Item, per letere di 30*, esso secretario mandò la letera di le sopra . . . . qual missier Zuan Iacomo mandò in campo, et è stà il suo secretario, che vol cazarlo via; ha fato questo eror. Scrive averli comunicà letere di Consieri; li ha piacesto; sì esso missier Zuan Iacomo, come il Zeneral e il Vice cancelier è li.

334 *A dì 5, la matina, fo letere di campo, dil provedador Griti, di 4, hore . . .* Come spagnoli, volendo darli danari, non hanno voluto si non tutti e non per parte, et si mandi danari; e altre particolarità.

Et Luni, a dì 8, li fanti 2000 mandati a far a Buzolo et altrove per monsignor di Lutrech, sarano in campo etc.

*Di Soria, fo letere, di 18 Mazo*, con avisi il signor Soldan esser zonto a Zazara con 40 milia persone, zornate tre lontan di Alepo; e li in Alepo si aspeta, e li è venuti oratori dil Sophi, *etiam* dil Signor turcho etc. *Item*, si dice il Signor turcho à auto il dominio di Syo. Come ch'è questo aviso che vene di Corfù più copioso, lo noterò di soto; e altre particolarità.

In questa matina, la Quarantia criminal e zivil, poi auto Consègli et leto le scritture, poi parlò sier Zuan Antonio Barbaro fo capitano e provedador a Napoli di Romania ito a sinichar a Legena, et messe sier Hironimo di Prioli qu. sier Ruberto, fo retor in dito locho di Legena, qual è retenuo in la came-

ra di Signori di note, per le cosse leete sia ben retenuo et colegiato; et fo preso: di si 32, di no 16, non sincere 13. Parlò dito sinicho; li rispose sier Bernardo Donado el XL zivil, qu. sier Zuane: volea si andasse per capitoli.

Da poi disuar, fo Consejo di X con la zonta, et aprovon certi doni che l'altro eri li Provedadori a le biave preseno in Colegio dar a chi conduseva formenti, *ut in parte*; et cussi li Provedadori a le biave feno far le cride.

*Item*, feno gratia a sier Iusto Guoro debitor ducati 1000 di l'imprestado, sia suspeso fin mexi 6 e possi esser provado; et fo preso di unia balota.

Fu preso: che sier Stefano Malipiero di sier Alvisè, rimaso al Formento, ha prestado, non l'ha etade, possi esser provado dando a la Signoria ducati 30 etc.

Fu preso certa gratia a le fie di sier Zuan Vendramin qu. sier Alvisè, intervenendo zerto debito etc.

*Di campo, vene letere, tardi, dil Governador zeneral, date in campo apresso Verona, a Santa Catarina, a dì 4, hore . . . di note.* Avisa di certa imbosehata fata per nostri di sopra verso San Felise, e aver trovà in Val di Pantena farine etc., et portate in campo.

Noto. Il corpo di Zuan Trivixan, fo scrivano a li Camerlengi, morto a Ravenna, è stà conduto in una cassa in questa terra, posto in la chiesa di San Cassan; a la matina sequeute fo sepulto molto ferialmente a . . . .

*A dì 6.* Noto. Eri sera, fo mandato in campo ducati 6000 per la via di Vizenza; si solieita il seoder, et voleno mandar più denari si puol in campo.

*Di campo, dil provedador Griti, di 5, hore 16.* Come, era aviso li fanti 2000 erano fatti, et si metteva a camino. *Item*, si mandi danari etc.; et come stava bene lui Provedador; et altre particolarità.

*Dil Governador zeneral, di eri.* Come nostri è stati sotto Verona e preso alcuni sacomani ussiti fuora etc.

In le letere dil provedador Griti è, che si mandi le do fuste *omnino* suso. *Item*, li aiutanti, erano in campo, è partiti; si fazino ritornar. *Item*, le barche, per non haver danari, si partlino.

*Di Malatesta Bajon, fo leto una letera drizata a Francesco da Fiano suo cancelier in questa terra, data in campo eri.* Avisa non li esser governo in campo, et esser stà preso de li nostri cavali più di 60 lizieri da li nimici, et si mandano senza scorta etc.